

teneatur, & debeat tradere, & expedire, & expeditam de cetero dimittere, & relaxare pacificè, & quietè, quodque omnes, & singuli foreusciti Hipporegiæ possint si voluerint venire ad dictam Ciuitatem, & districtum Hipporegiæ, & in eisdem Ciuitate, & districtu stare, & habitare, ire, & redire valeant, & permittantur pacificè, & quietè, prout ante expulsionem eorum veniebant. Et quod ipsi foreusciti, qui vt permittitur venire voluerunt ad ipsam Ciuitatem Hipporegiæ cum illis intrinsecis, aliquibus districtualibus, vel habitatoribus dictæ Ciuitatis, eiusque districtus, cum quibus guerram specialem habent, pacem, & cōcordiam faciant, & faciant sibi inuicem remissionem de omnibus, & singulis rebus mobilibus, ablatiis, & habitis per aliquam ipsarum partium, scū ipsas partes, vel alteram earum.

Item pronunciamus, diffinimus, arbitramur, arbitramentamur, præcipimus, & declaramus, quod omnes, & singuli dictæ Ciuitatis, & districtus Hipporegiæ tam extrinseci, quàm intrinseci incolæ, & habitantes ipsius Ciuitatis, & districtus per prædictos D. Comitem, & Marchionem ad eorum gratiam admittantur. Et quod eis omnibus præfati D. Comes, & Marchio omnia eorum tam extrinsecorum, quàm intrinsecorum bona immobilia dimittant liberè expedita, salvo quod si qui ex foreuscitis, siuè extrinsecis prædictis venire nollent ad ipsam Ciuitatem, scū ad gratiam, & obedientiam dictorum Dominorum, bona eorum, qui venire recusauerunt, vt supra sint ipsorum Dominorum Comitum, & Marchionis vtriusque videlicet ipsorum pro medietate pro diuiso.

Item, quod dicti forusciti ad aliquas tales Impositiones, scū debita Communis factas, & facta à tempore expulsionis eorum, vsque ad diem quo fuerunt reuocati, scū admissi ad gratiam dictorum Dominorum minime teneantur, nec compelli valeant, pro eisdem.

Item, quod si idem D. Marchio, absque hærede legitimo masculino decederet (quod absit) quod in illo casu dicta Ciuitas Hipporegiæ tota ad dictum D. Comitem debeat peruenire, cum omnibus iuribus, districtu, & pertinentijs ipsius Ciuitatis.

Item, quod dictus D. Marchio dictam medietatem ipsius Ciuitatis, & pertinentiarum eiusdem sibi spectantem, vendere, alienare, vel alio quouis modo transferre non possit, nisi in D. Comitem antedictum. Ne ipse D. Comes ad socium, & consortem habendum, & extraneum à cognatione sua in ipsa Ciuitate cogatur inuitus, Et ne ipsa Ciuitas, vel aliqua eius pars ad quam ipsi D. Marchio, & Comes efficiuntur ad extraneos, vel alios perueniat, nisi vtrique coniunctos. Non possit etiam ipse D. Comes, vel eius successores partem Ciuitatis eiusdem, quam ad ipsum, vt permittitur pronunciamus præsentialiter pertinere debere, scū partem per ipsum D. Marchionem retentam, & sibi declaratam pertinere. Si res casu quo medietas ipsius D. Marchionis ad ipsum D. Comitem, vel eius successores perueniret, vt supra, vel aliquam partem partis, vel totius partem vendere, donare, infeudare, vel quouis titulo in alium transferre, sed semper remaneat ei, & eius successoribus Comitibus Sabaudia perpetuò pleno iure, & sine